

周

禮

記

禮記

卷

之

五

周禮節訓序官

舊說爲治莫先教化故冢宰後司徒次之教化莫先禮樂故宗伯次之教之化之猶有不率則大者加以甲兵小者加以刑罰不得已也故司馬司寇次之教化行暴亂去而後民得安居故以司空居民終焉

天官冢宰

總御眾官猶天道統理萬物也故冢宰稱天官

大宰

卿一人

小宰

中大夫二人

宰夫

下大夫四人

宮正

宮伯

膳夫

庖人

內饗

外饗

亨人

甸師

獸人

甸人

鼈人

腊人

掌乾肉

醫師

食醫

疾醫

瘍醫

掌療瘍

獸醫

掌療獸

酒正

酒人

漿人

淩人

籩人

醢人

醢人

鹽人

冪人

掌共冪

宮人

掌舍

幕人

掌帷幕
幄帶綬

掌次

太府

下大夫

玉府

內府

外府

司會

中大夫

司書

職內

職歲

職幣

司裘

掌皮

掌斂頒
皮革

內宰

下大夫

內小臣

掌王后之命

閹人

掌守王宮中門之禁

寺人

掌內人及女宮之戒令

內豎

掌內外之通令凡小事

九嬪

世婦

掌祭祀賓客喪紀之事

女御

掌御敘於王之燕寢

女祝

掌王后之內祭祀禱祠之事

安史

掌禮職內治之貳以詔后

治內

典婦功

典絲

典泉

內司服

縫人 掌王宮縫線之事

染人

追師

履人

夏采

掌染鳥羽及大喪之服

地官司徒

安擾萬民猶地道載養萬物也故司徒稱地官

大司徒

卿一人

小司徒

中大夫二人

鄉師

下大夫四人

鄉老

二鄉則公一人

鄉大夫

每鄉則卿一人

州長

每州中大夫一人

黨正

每黨下大夫一人

族師

每族上士一人

閭胥

每閭中士一人

比長五家下土一人 封人 鼓人

舞師 牧人 牛人

充人 載師 閭師

縣師 遺人 均人

師氏中大夫 保氏下大夫 司諫

司救 調人 媒氏

司市下大夫 質人 廛人

胥師各掌其次之政令 賈師各掌其次之貨賄之治

司覈 司稽 胥各掌所治之政

肆長

各掌其肆之政令

泉府

司門

下大夫掌授管鑰以啟閉

國門幾出入不物者

司關

掌節

遂人

中大夫

遂師

下大夫四人

遂大夫

每遂中大夫一人

縣正

每縣下大夫一人各掌其縣之政令徵比

鄙師

每鄙上士一人各掌其鄙

之政令
祭祀

鄼長

每鄼中士一人

里宰

每里下士一人

鄰長

五家一人掌相糾相受

旅師

稍人

掌五乘之政令

委人

掌斂野之賦斂薪芻木材

士均

掌平土地之政

草人

稻人

士訓

誦訓

山虞

林衡

川衡

澤虞

迹人

井人

角人徵齒

羽人

掌葛

掌染草

掌炭

掌茶

掌蜃

圉人

場人掌場

廩人下大

舍人掌平宮中之穀

倉人

司祿闕

司稼

舂人

饔人

橐人共內外朝宄食者之食

春官宗伯

禮文繁縟象春發生故宗伯稱春官。

大宗伯

卿一人

小宗伯

中大夫二人

肆師

下大夫四人

鬱人

鬯人

雞人

司尊彝

司几筵

天府

典瑞

典命

司服

典祀

掌外祀之兆守

守祧

世婦

掌女宮宿戒及祭祀

內宗

外宗

冢人

下大夫

墓大夫

下大夫

職喪

掌凡有爵者之喪

大司樂

中大夫

樂師

下大夫

大胥

小胥

太師

下大

小師

掌教鼓鼗柷
敔簫管絃歌

瞽矇

掌鼗鼓柷敔簫琴瑟及九德六詩之歌

眡瞭

典同

磬師

鐘師

笙師

搏師

鞀師

旄人

籥師

教國子舞
羽吹籥

籥章

鞀鞀氏

典庸器

司干

掌舞
器

太卜

下大

卜師

龜人

華氏

占人

箬人

占癡

上大

眡禋

大祝

下大

小祝

喪祝掌大喪勸防之事

甸祝掌表貉之祝號

詛祝

掌盟詛類造攻說禴祭之祝號

司巫

男巫

女巫

太史

下大夫

小史

馮相氏

保章氏

內史

中大夫

外史

御史

掌邦國都鄙萬民之治令

冢宰

巾車

下大夫

典路

車僕

掌車路之倅

司常

都宗人

家宗人

夏官司馬

兵威震赫象夏長盛故司馬稱夏官

大司馬

卿一人

小司馬

中大夫二人

軍司馬

下大夫四人

輿司馬

行司馬

軍將

師帥

旅帥

卒長

兩司馬

伍長

司勳

馬質

量人

掌建國之法

小子

羊人

司燿

掌固

司險

掌疆

候人

環人

掌致師察軍慝

挈壺氏

射人

下大夫

服不氏

射鳥氏

羅氏

掌畜養鳥

司士下大夫

諸子下大夫

司右掌羣右之政令

虎賁氏下大夫

旅賁氏

節服氏維王之太常

方相氏

太僕下大夫

小臣掌王之小命相王之法儀

祭僕掌眠祭祀而警戒其有司

御僕掌羣吏之逆庶民之復

隸僕掌廟寢埽除糞灑之事

弁師

司甲下大夫兵官之長也

司兵掌五兵五盾

司戈盾

司弓矢下大夫

繕人掌王之用弓弩

橐人掌齋弓矢之工

戎右中大夫右參乘也掌戎車之兵革

齊右

下大夫掌前齊車

道右

掌前道車

大馭

中大夫掌馭玉路

戎僕

中大夫掌馭戎車

齊僕

掌馭金路

道僕

掌馭象路

田僕

掌馭田路

馭夫

掌馭戎車使車

校人

中大夫

趣馬

掌贊正良馬

巫馬

掌養疾馬

牧師

掌牧地

廋人

圉師

教養馬

圉人

掌養馬

職方氏

中大夫四人下大夫八人

土方氏

掌土圭之法以相宅

建邦國都鄙

懷方氏

合方氏

訓方氏

形方氏

山師

川師

邊師

匡人

擯人

都司馬

掌都之車馬兵甲

家司馬

秋官司寇

刑罰嚴厲象秋肅殺故司寇稱秋官

大司寇

卿一人

小司寇

中大夫二人

士師

下大夫四人

鄉士

各掌其鄉之獄訟

遂士

各掌其遂之獄訟

縣士

各掌其縣之獄訟

方士

掌都家之獄訟

訝士

掌四方之獄訟

朝士

司民

司刑

掌五刑之法

司刺

司約

司盟

職金

司厲

掌盜賊之任器貨賄

犬人

掌犬牲

司圜

掌囚

守盜賊

掌戮

掌殺戮

司隸

罪隸

役百官府

閭隸

蠻隸

役校人

夷隸

貉隸

布憲

禁殺戮

掌司斬殺戮者

禁暴氏

掌禁庶民之亂暴

野廬氏

蜡氏

掌除骴

雍氏

掌溝瀆澮池之禁

萍氏

司寤氏

掌夜時

司烜氏

條狼氏

脩閭氏

掌比國中宿互標者

冥氏

庶氏

除毒

穴氏

攻蟄獸

翬氏

攻猛鳥

柞氏

雍氏

若族氏

覆妖鳥之巢

翦氏

除蠹物

赤友氏

除牆屋

蝮氏

去毒

壺涿氏

庭氏

射妖鳥

銜枚氏

司躑

伊耆氏

大行人

中大夫

小行人

下大夫

司儀

行夫

掌邦國傳遽之小事

環人

象胥

掌客

掌訝

掌交

掌察

掌貨賄

朝大夫

掌都家之國治

都則

都士

家士

冬官司空

居處安寧象冬斂藏故司空稱冬官

輪人

輿人

車人

輶人

廬人

爲廬器

匠人

弓人

梓人

築氏

爲削

冶氏

爲殺矢

鳧氏

棗氏

段氏

爲鑄

桃氏

爲劍

函人

鮑人

鞞人

爲皋陶

韋氏

裘氏

鍾氏

筐人

幌氏

玉人

柳人

雕人

磬氏

矢人

陶人

瓶人

光緒丙戌年桂月東吳掃葉山房校刊

周禮節訓卷一

北平黃崑圃先生原定

雲閒姚培謙鱸香重訂

同里王永祺恆齋參閱

天官冢宰

惟王建國辨方正位體國經野設官分職以爲民極。

辨方。辨東西朔南之方。正位。正南面。答陽之位。體。猶分也。分營國中。以爲廟社朝市宮寢門涂之屬。經。猶畫也。畫治野外。以爲鄉遂都鄙徑畛溝洫之屬。爲民極。以王國爲天下本也。

太宰之職。掌建邦之六典。以佐王治邦國。治典、教典、禮典、政典、刑典、事典。

典。常也。六官之政。乃治天下之常法也。建立也。冢宰掌治典。而六典無不統。故皆掌建之也。邦國。兼王畿侯國而言。教典。司徒之職。禮典。宗伯之職。政典。司馬之職。刑典。司寇之職。事典。司空之職。

以八灋治官府。官屬。官職。官聯。官常。官成。官灋。官

刑。官計。

灋。古法字。○官屬。同官之僚屬。官職。本官之職。掌。官聯。通職連事。官常。謂分所當守。官成。謂成事品式。法。疑當作敘。小宰以六敘正羣吏。卽官敘也。官刑。卽司寇五刑。官計。卽三年大計。

以八則治都鄙祭祀以馭其神、灋則以馭其官、廢
置以馭其吏、祿位以馭其士、賦貢以馭其用、禮俗
以馭其民、刑賞以馭其威、田役以馭其眾、

則猶法也。都鄙通采邑及凡公邑而言。馭猶馬
之在馭。使無僭差也。官謂公臣。若家臣也。有罪
則廢。有行則置。吏謂胥隸也。士謂俊造也。馭用
者。量賦下與貢上爲出入。馭民者。通禮教與風
俗相轉移。馭威者。勸懲以
威民。馭眾者。簡閱以任眾。

以八柄詔王馭羣臣。爵以馭其貴、祿以馭其富、子
以馭其幸、置以馭其行、生以馭其福、奪以馭其貧、
廢以馭其罪、誅以馭其過、

柄。內史作枋。音義同。予。上聲。○加恩於爵祿之外。故曰幸行。善行也。生。謂有罪當誅而赦也。奪。謂奪其田祿。凡言馭者。品節而歸於範之意也。

以八統詔王馭萬民。親親敬故。進賢使能。保庸尊貴。達吏禮賓。

統。猶率也。謂王躬行於上。而民自治。如率之者。然也。保庸。安有功者。達吏。謂達其列職於下者。禮賓。謂禮其作賓於國者。

以九職任萬民。三農生九穀。園圃毓草木。虞衡作山澤之材。藪牧養蕃鳥獸。百工飭化八材。商賈阜通貨賄。嬪婦化治絲枲。臣妾聚斂。疏財閒民。無常

職轉移執事

賈音古。斂去聲。○三農謂原隰平地之農。九穀黍稷稻粱麻苽麥大小豆也。園圃藪牧皆指其民。虞衡主山澤之官。此亦以目山澤之民也。嬪有夫者婦。有姑者臣妾。爲人役者閒民。無事業者毓者。順而養之也。作猶致也。飭致力。攻治也。化。因形移易也。八材木革羽象金石珠玉也。阜通者阜而使通。化治者化而後治。聚斂猶言蓄積。疏財謂蕉葛可布。草根木實可食者。轉移執事。傭雇爲工作也。此言生之有道也。

以九賦斂財賄邦中。四郊邦甸。家削邦縣。邦都關市。山澤幣餘之賦。

甸音賸。削稍去聲。○邦中六鄉之地。四郊六遂之地。去國百里。邦甸公邑之田所在。去國二百

里家削家邑之田所在。去國三百里。邦縣小都之地。去國四百里。邦都。大都之地。去國五百里。幣餘。給公事會計之羨。餘此言取之以制也。

以九式均節財用。祭祀賓客。喪荒羞服。工事幣帛。芻秣匪頒。好用之式。

匪音分。好去聲。○式。謂用財之節度。羞服。謂王以下膳羞衣服之屬。工事。凡浚修城池及作宮室器皿皆是。芻秣。謂芻牧飼秣之屬。賓若軍役及凡常用者。匪分也。好用。燕好所賜子也。此言用之有禮也。

以九貢致邦國之用。祀貢。嬪貢。器貢。幣貢。材貢。貨貢。服貢。旂貢。物貢。

旂。旒同。○祀貢。牲腊之屬。嬪貢。絲枲之屬。器貢。凡器用之屬。幣貢。皮幣之屬。材貢。卉木竹箭之屬。貨貢。金貝之屬。服貢。絺紵織縞之屬。旂貢。珠璣羽毛之屬。物貢。若肅慎楛矢密須鼓之屬。

以九兩繫邦國之民。牧以地得民。長以貴得民。師以賢得民。儒以道得民。宗以族得民。主以利得民。吏以治得民。友以任得民。數以富得民。

長。上聲。○兩。猶耨也。繫。猶綴也。地者。邦國之牧之疆。履。貴者。官師之長之名位。賢者。師之德行。可尊。道者。儒之道藝。可法。族則大宗之子。以合族屬。利則貴家之主。以散利養。治則鄉遂縣鄙之吏。政令相攝。任則守望出入之友。保任相維。富則廣繒鉅野之藪。財物相守。太宰以九者耨協萬民。而繫屬不散。此寧邦之要道也。

正月之吉始和布治於邦國都鄙乃縣治象之灋
於象魏使萬民觀治象挾日而斂之乃施典於邦
國而建其牧立其監設其參傅其伍陳其殷置其
輔乃施則於都鄙而建其長立其兩設其伍陳其
殷置其輔乃施灋於官府而建其正立其貳設其
考陳其殷置其輔。

縣懸同挾子協反又作灋監平聲參三同傅音
附○正月正建子之月吉朔日也和者可否相
濟之謂象魏闕名挾日謂一旬斂收也牧九州
之長監五等諸侯各監一國也參謂國之三卿
伍謂其下大夫五人殷眾也謂上中下士輔謂
府史胥徒長謂士都鄙者兩謂其左右伍謂其

臣屬正亦長也。謂太宰、大司徒之類。貳猶副也。謂小宰、小司徒之屬者。猶覈也。謂宰夫、鄉師之類。

祀五帝則掌百官之誓戒。與其具修。前期十日。帥執事而卜。日遂戒。及執事。既滌濯。及納亨。贊王牲事。及祀之日。贊玉幣爵之事。祀大神亦如之。享先王亦如之。贊玉几玉爵。

帥率同。既視同。亨烹同。而祇同。各職並放此。○五帝謂五行之帝。而太昊少昊炎帝黃帝顓頊。配之也。誓戒謂致齋散齋之屬。其謂鼎俎豆籩之屬。修謂陳設濯漑之屬。執事謂凡與祭當執事者。下言及執事謂初為祭事也。自祭之前夕言滌濯滌祭器納亨謂納牲告殺以授亨人也。

自祀之晨言日猶時也。自正祀之時言玉幣以禮神。玉爵以獻神。玉几以依神。

大朝覲會同贊玉幣玉獻玉几玉爵

朝音潮。玉幣謂諸侯之六瑞六幣。玉獻謂諸侯獻國珍異亦執玉以致之也。玉几。王朝侯時優尊之几。玉爵。王裸賓時酢王之爵。皆太宰贊王受之也。

歲終則令百官府各正其治受其會聽其致事而詔王廢置三歲則大計羣吏之治而誅賞之

會音怪。凡各職會計之會並放此。百官府通六官而言會謂會計聽謂審聽令正其所治之事爲會計。文書既致則爲受而聽之也。羣吏卽百官府之羣吏誅罪賞功不言詔王者省文耳。

小宰之職掌建邦之宮刑以治王宮之政令

宮刑。王宮中刑。違政令者未發則糾察之。已發則禁止之也。記曰古之欲明明德於天下者先治其國。欲治其國者先齊其家。此之謂也。

以六計、弊羣吏之治、廉善、廉能、廉敬、廉正、廉灋、廉辨、

六計。計吏賢否之法。弊。斷也。六者皆以廉爲本。德足宜民曰善。才足辦事曰能。不懈於位曰敬。不諛於行曰正。守法不阿曰法。臨事不惑曰辨。

宰夫之職、掌治朝之灋、以正王及三公六卿大夫羣吏之位、敘羣吏之治、以待諸臣之復、萬民之逆、

治朝在路門外。立朝尊卑之位。太僕司士正之。宰夫則掌其禁令。而察舉之也。此言正朝儀也。

臣反命於君曰復。
民陳言於上曰逆。

几朝覲會同賓客以牢禮之灋掌其牢禮委積膳
獻飲食賓賜之飡牽與其陳數

委積飲食並去聲。○牛羊豕具爲一牢。牢禮委積若五積五牢四積四牢之屬。膳獻若殷膳太牢及禽獻之屬。飲食若饗食燕之屬。賓賜殮牢若致饗餼及特賜之屬。未至則陳委積既至則陳膳獻飲食殮牽其陳之數皆以爵爲差。

歲終則令羣吏正歲會月終則令正月要旬終則
令正日成而以考其治治不以時舉者以告而誅
之。

此言其考職也。歲會月要日成，猶司會所謂歲成月成日成，不時舉，謂失期以告告於太宰也。

宮正掌王宮之戒令糾禁，以時比宮中之官府，次舍之眾寡，爲之版以待，夕擊柝而比之，會其什伍而教之道藝。

比。音避。柝。音託。○糾督禁止也。官府。官吏居王宮而直宿衛者。比。校也。次直宿之廬。休沐之所。眾寡。謂徒役及其家之子弟也。版。以書名。柝。以警守。十人爲什。五人爲伍。會而教之。使皆親儒生而成德行也。

宮伯掌王宮之士庶子，凡在版者，授八次八舍之職事。

士。謂公卿大夫元士之適子。庶子。謂其眾子。八次八舍。謂宮之四角與四中。

膳夫掌王之食飲膳羞。凡王之饋食用六穀。膳用六牲。飲用六清。羞用百有二十品。珍用八物。醬用百有二十。饗。王曰一舉。大荒則不舉。大札則不舉。天地有裁則不舉。邦有大故則不舉。歲終則會。唯王及后世子之膳不會。

食音嗣。○食六穀。膳六牲。卽食醫。牛宜稌。羊宜黍。豕宜稷。犬宜粱。雁宜麥。魚宜菰也。六清卽漿。人水漿醴涼醫醕也。百二十品。牲及凡禽獸之屬。八物。滷熬滷母炮豚炮牂擣珍漬熬肝膋也。百二十。饗醢六十。醢六十。醬其總名也。殺牲盛饌曰舉。大札疫癘也。裁。日食星變山崩川竭之

屬夫故謂寇患會計其費之多少也歲終則會謂賓祭頒賜之屬王后世子之膳不會者以其常膳不必以有司之法計之也

庖人掌其六畜六獸六禽辨其名物凡其死生麤蕞之物以其王之膳羞共祭祀之好羞賓客之禽獻凡用禽獸春行羔豚膳膏香夏行牯鱠膳膏臊秋行犢麇膳膏腥冬行鱸羽膳膏膻

麇鮮同蕞音槁好去聲牯音渠鱠音搜臊音騷麇音迷○六畜即六牲六獸麇鹿狼麇野豕兔六禽雁鵝雉鳩鴿禽獻以禽獸獻於賓客也行猶用也羔羊子豚豕子犢半子麇鹿子牯乾雉鱠乾魚鱸生魚羽羽禽膏香牛脂膏臊犬膏膏腥雞膏膏膻羊脂膳膏香謂治羔豚以牛脂

也。下
放此。

內饗掌王膳羞之割亨煎和凡宗廟之祭祀掌割

亨辨腥臊羶臭之不可食者牛夜鳴則腐羊冷毛而羸羶犬赤

股而臊豚鳥臠色而沙鳴豕豕旨聒而交睫腥馬黑脊而股僻螻

外饗掌外祭祀之割亨其其脯修刑臠。

臠音呼。○外祭祀謂神示之祀修
鍛脯也刑同鉶羹也。大臠曰臠。

亨人掌其鼎鑊以給水火之齊祭祀其太羹鉶羹

賓客亦如之。

齊劑同。大音泰。○齊水火多少之量也。大
羹。大古之羹。不致五味。鉶羹則加鹽菜矣。

甸師掌帥其屬而耕耨王籍以時入之以其齎盛
祭祀其蕭茅其野果苾之薦王之同姓有臯則死
刑焉

齎。柔同。盛。音成。苾。音裸。臯。右罪字。○蕭以祭脂。茅以縮酒。植生曰果。蔓生曰苾。死刑。謂重者死。輕者刑也。

獸人冬獻狼夏獻麋春秋獻獸物

獻於王而爲膳也。狼膏聚而溫。麋膏散而涼。所以救時令之過。春秋寒溫適中。故物皆可獻。

獻人掌以時獻

獻。漁同。○謂以時取魚也。

周禮一
九
鼈人春獻鼈。夏獻蜃。秋獻龜魚。

蜃。大蛤也。春獻鼈。夏獻蜃。秋獻龜魚者。避其乳也。

醫師掌醫之政令。凡邦之有疾病者。疝瘍者。造焉。則使醫分而治之。歲終。則稽其醫事。以制其食。十全爲上。十失一次之。十失二次之。十失三次之。十失四爲下。

疝。音匕。○頭瘡曰疝。身瘡曰瘍。全。謂無所失也。

食醫凡食齊。春時羹齊。夏時醬齊。秋時飲齊。冬時凡和。春多酸。夏多苦。秋多辛。冬多鹹。調

以滑甘。凡會膳食之宜。牛宜稌。羊宜黍。豕宜稷。犬宜粢。雁宜麥。魚宜菰。凡君子之食恆故焉。

瘍醫。掌腫瘍潰瘍。金瘍折瘍之祝藥。副殺之齊。凡藥以酸

養骨。以辛養筋。以鹹養脉。以苦養氣。以甘養肉。以滑養竅。凡有瘍者。受其藥焉。

也。

疾醫。掌養萬民之疾病。以五味。五穀。五藥。養其病。以五氣。五聲。五色。眡其死生。

五藥。草木蟲石穀也。五氣。五臟所出之氣。五聲。病於五臟發爲聲者。五色。面所發之色。

酒正掌酒之政令以式灋授酒材凡爲公酒者亦如之辨五齊之名泛齊醴齊盎齊緹齊沈齊辨三酒之物事酒昔酒清酒凡祭祀共五齊三酒以實八尊大祭三貳中祭再貳小祭壹貳唯齊酒不貳皆有器量其賓客之禮酒凡有秩酒者以書契授之

緹音體。○酒材。麴蘗之屬。授者。授酒人爲之。公酒。謂鄉射飲酒。以公事作酒也。泛者。滓浮泛。泛然。醴者。滓汁相將。盎。蔥白色。緹。紅赤色。沈。滓沈於下也。新釀成曰事酒。久而熟曰昔酒。又久而清曰清酒。尊。酒器。貳。副也。大祭。天地。中祭。宗廟。小祭。五祀。禮酒。謂饗燕行禮之酒。秩酒。謂老臣

月給以酒。授以書契。使執而取酒也。

酒人掌爲五齊三酒。凡事共酒而入於酒府。賓客之陳酒亦如之。

酒府。酒正之府也。賓客之陳酒。謂饗餼時陳列之酒。

漿人掌其王之六飲。

六飲。水漿醴涼醫酏也。

凌人掌冰。正歲十有二月。令斬冰。春始治鑑。凡外內饗之膳羞鑑焉。祭祀共冰鑑。賓客共冰。大喪共夷槃冰。夏頒冰。掌事。秋刷。

正當作政。○冰室曰凌。十二月周正。季冬建亥月也。鑑盛冰器。夷槃尸槃。實冰槃中。置尸牀之下。以寒尸也。刷謂刷除冰室以待新冰也。

籩人掌四籩之實朝事之籩饋食之籩加籩之實

羞籩之實

王薦腥后亞獻於是薦朝事之籩王獻熟后亞獻於是薦饋食之籩王醑尸后於是薦加籩既醑尸后於是薦羞籩朝事籩其實饗蕡白黑形鹽膾鮑魚鱠饋食籩其實棗栗桃乾榛榛實加籩其實菱芡桌脯羞籩其實糗餌粉飧

醢人掌四豆之實朝事之豆饋食之豆加豆之實

羞豆之實

朝事豆。其實韭菹。醯醢。昌本。麋。麋。菁菹。鹿。麋。菹。菹。麋。饋。食。豆。其實葵菹。菹。羸。醢。脾。析。麋。醢。蟹。蚘。醢。豚。拍。魚。醢。加。豆。其實芹菹。兔。醢。深。蒲。醢。醢。落菹。雁。醢。筍。菹。魚。醢。羞。豆。其實醢。食。糝。食。

醢人掌其五齊七菹凡醢物。

齊。齋同。○五齊。昌本。脾。析。蜃。豚。拍。深。蒲。也。七菹。韭。菁。茆。葵。芹。筍。筍。也。齊。菹。必。須。醢。以。成。味。故。醢。

人職之

鹽人掌鹽之政令祭祀其其苦鹽散鹽賓客其其

形鹽散鹽王之膳羞其飴鹽

苦若飴皆以味言。形若散皆以質言。

宮人掌王六寢之修為其井匱除其不蠲

匱。音晏。○六寢。路寢一。以治事。小寢五。以燕息。修治也。爲猶修也。并匱。霤下受水之所。并爲陽。匱爲陰也。

掌舍。掌王會同之舍。設桎。柅。再重。

桎。音陞。柅。音互。重。平聲。○舍。通謂會同與其任道之舍也。桎。柅。行馬交木。爲之以衛內防外。

掌次。掌王次之灋。以待張事。王大旅上帝。則張氈。案。設皇邸。朝日。祀五帝。則張大次小次。設重帟。重案。合諸侯亦如之。

重。平聲。○居曰舍。止曰次。案。牀也。陳牀而張氈。其上也。皇邸。以版爲屏。狀如黼辰。朝日。謂春分祭日。次。謂幄也。大次。未行禮時所舍止。小次。方行禮時所閒息。坐上承塵曰帟。重帟。謂兩重之。

帝重案案上
設重席也

太府掌九貢九賦九功之貳以受其貨賄之人頒
其貨於受藏之府頒其賄於受用之府關市之賦
待膳服邦中待賓客四郊待稍秣家削待匪頒邦
甸待工事邦縣待幣帛邦都待祭祀山澤待喪紀
幣餘待賜予

削稍去聲予上聲○九功卽九職也任之事故
曰職要其成故曰功貳者所征稅之原額副本
也貨賄凡粟絲金布之通稱自其不輕用而言
謂之受藏之府自其尤需用而言謂之受用之
府待猶給也稍秣卽芻秣也
喪紀卽喪荒賜予卽好用

玉府掌王之金玉玩好兵器凡良貨賄之藏若合諸侯則共珠槃玉敦

敦音對。○兵器若兇戈和弓赤刀之類。珠槃以盛牛耳。司盟者所執。玉敦。敵血器。

內府掌邦之大用

外府掌邦之小用

司會掌官府郊野縣都之百物財用凡在書契版圖者之貳以逆羣吏之治而聽其會計

會音怪。○逆受而鉤考之也。

司書掌邦中之版土地之圖以周知入出百物以

敘其財、

版圖屬大司徒而亦掌其書者。理財必知戶口之登耗。疆域之廣狹。而後可用其鈎考也。敘比也。次

職內掌邦之賦入、

內納同。

職歲掌邦之賦出、

職幣振掌事者之餘財、

振猶舉也。主財幣之餘之數。凡財幣皆先振而後斂。掌事者謂以事務持有作爲。非常事常用也。

司裘掌爲大裘以其王祀天之服中秋獻良裘季秋獻功裘以待頒賜王大射則其虎侯熊侯豹侯諸侯則其熊侯豹侯卿大夫則其麋侯皆設其鵠

中仲同。○大裘服以祀天。良裘王所服。黼裘功

裘卿大夫所服。狐青裘麋裘之屬。大射者王將

有郊廟之事。以射擇諸侯羣臣與邦國所貢士

以祭也。諸侯以下將祭亦與其臣射以擇之士

不大射士無臣祭無所擇也。侯射侯鵠侯中的

王大射之禮。虎侯王自射熊侯侯所射豹侯卿

大夫以下所射諸侯大射熊侯侯自射豹侯

其羣臣所射卿大夫大射主臣同麋侯而已。

內宰以陰禮教六宮凡建國佐后立市。中春詔后

帥外內命婦始蠶於北郊以爲祭服。上春詔王后

帥六宮之人。生穉。穉之種。而獻之於王。

穉音童。穉音六。種上聲。○陰禮內則。壺範也。六宮指后夫人而言。不言后夫人。不敢斥言。教后夫人也。古者天子立六官。后立六宮。六宮猶六官也。王立朝而后立市。取陰陽相承之義。仲春夏正建卯月。外命婦。凡命夫之妻。內命婦。夫人以下。至女御也。上春夏正建寅月。先種後熟曰種。後種先熟曰穉。生漬種也。時始詔后生之。至耕時則生而獻之矣。

九嬪掌婦學之灋。以教九御。婦德。婦言。婦容。婦功。

婦德。情志貞順。婦言。辭令柔和。婦容。婉婉端莊。婦功。絲枲也。

典婦功。掌婦式之灋。凡授嬪婦功。及秋獻功。辨其苦良。比其大小。以其王及后之用。

比音避。○典主也。授者奉內宰以授之也。及猶至也。謂至秋而獻功也。苦良猶言粗細。小大猶言長短。

典絲掌絲入而辨其物。頒絲於外內工。及獻功則受良功而藏之。

絲入。謂嬪婦所獻。及方土所貢。外工。外嬪婦。內工。女御也。良。讀爲苦。受而藏之。以待有司。以政令頒。使爲衣服。及上有所賜子也。

典冢掌布總縷紵之麻草之物。

冢音洗。○總紵。皆布名。縷。綫屬。布稱總縷。稱紵。互文也。麻草。通謂冢苴。葛。藟之屬。

內司服掌王后之六服。禕衣。揄狄。闕狄。鞠衣。展衣。

緣衣素沙

禕。翬同。揄搖同。狄。翟同。闕。屈同。展。禮同。緣。祿同。沙。紗同。○翬。翟。皆雉名。伊洛而南。素質五色。備日翬。江淮而南。青質五色。備日搖。翬衣色元。其上刻繪爲翬形。畫之而綴以爲飾。搖翟衣色青。其上刻繪爲搖翟形。畫綴亦如之。闕翟衣色赤。其上刻搖翟形。綴之而不畫。故謂之闕。三者皆后之祭服。從王祭先王。服翬衣。從祭先公。服搖翟。從祭羣小祀。服闕。狄。鞠衣色黃。后告桑之服。展衣色白。后以禮見王。及賓客之服。緣衣色黑。后御於王。及燕居之服。素沙。今白絹。六服皆袍制。而以素沙爲裏也。

染人掌染絲帛

追師掌王后之首服

追音堆。○治玉石曰追。

履人。掌王及后之服。履爲赤舄。黑舄赤纁。黃纁青句。辨命夫命婦之命履。功履散履。

纁音億。句作絢。○服履猶言所服之履。對文。履舄各名散文。舄亦名履。故舄履通言。服履而官亦名履人。纁舄底相接之縫。赤纁黃纁以赤黃之絲爲下緣也。青絢以青絲節履頭之鼻。命履王錫命而服者。功履冬之皮履。散履無絢。喪履也。

周禮節訓卷二

北平黃崑圃先生原本

雲間姚培謙鱸香重訂

同里王永祺恆齋參閱

地官司徒

大司徒之職以天下土地之圖周知九州地域廣輪之數。

廣。去聲。○廣。橫也。輪。縱也。東西爲廣。南北爲輪。

以土會之瀆辨五地之物生。山林動宜毛。植宜阜。

地官司徒

周禮卷二

地官司徒

其民毛而方。川澤動宜鱗。植宜膏。其民黑而津。丘陵動宜羽。植宜覈。其民專而長。墳衍動宜介。植宜莢。其民皙而瘠。原隰動宜羸。植宜叢。其民豐肉而庠。

會音怪。阜。皂同。覈。作核。專。作團。羸。裸同。○會。計也。動物謂天產。植物謂地產。民者萬物之靈。故皆會而計之。而因以施教也。毛物。狐貉之屬。阜物。柞栗之屬。山林之民。得木之氣。毛者。木之象。方者。曲直之意也。鱗物。魚龍之屬。膏物。桐漆之屬。川澤之民。得水之氣。黑者。水之色。津者。潤下之義也。羽物。翟雉之屬。覈物。梅李之屬。丘陵之民。得火之氣。專者。火之象。長者。炎上之義也。介物。龜鼈之屬。莢物。王棘之屬。墳衍之民。得金之氣。皙者。金之色。瘠者。從革之意也。羸物。鼃蟪之

屬叢物。萑葦之屬。原隰之民。得土之氣。豐肉者。土之體。痺言亦稼穡之象之意也。聖人仰稽俯察。以土會之法。通計所生。而知其宜。所以通。知地利。而能盡人物之性也。

因此五物者。民之常而施十有二教焉。以祀禮教。敬。則民不苟。以陽禮教。讓。則民不爭。以陰禮教。親。則民不怨。以樂禮教。和。則民不乖。以儀辨等。則民不越。以俗教安。則民不愉。以刑教中。則民不虺。以誓教恤。則民不怠。以度教節。則民知足。以世事教能。則民不失職。以賢制爵。則民慎德。以庸制祿。則民興功。

愉當作媮。媮同暴。○民亦物也。五刑寓於五地。殺而爲物。民得其秀而最靈。故因其常而布教也。陽禮謂鄉飲酒禮。陰禮謂昏禮儀。車旗衣服之屬。俗謂土地所安習。愉苟且也。刑以弼教。教中謂使民協於中也。誓謂約誓。其民使相任恤也。度謂冠昏喪祭有定制。世事謂世守其事。如士農工商及醫卜之類。庸功也。

以土宜之灋。辨十有二土之名物。以相民宅。而知其利害。辨十有二壤之物。而知其種。以教稼穡樹

藝。

相。去聲。○十二土。謂十二州名。如塗泥墳埴之類。物。謂所生之物。相。視也。相度民居。使知趨利避害。各得其所也。土。謂庶土。壤。謂穀土。

以土均之、漚辨五物九等、制天下之地征。

均。平也。五物。五地所宜之物。九等。卽禹貢上中下各三等之田地。征。貢賦之總名也。

以土圭之灋、測土深、正日景、以求地中。日南則景短多暑、日北則景長多寒、日東則景夕多風、日西則景朝多陰、日至之景、尺有五寸、謂之地中。天地之所合也、四時之所交也、風雨之所會也、陰陽之所和也。然則百物阜安、乃建王國焉。

景。古影字。○土圭長尺五寸。所以致日。土深。謂其土。日景之深也。測土之法。於夏至日中時。立八尺之表。以圭量其日景。其地近南者。日景短於圭。近北者。日景長於圭。近東者。日中景已如

夕。近西者。口中景尙如朝。惟日中時景長一尺五寸。正如其圭乃地中也。以其地當天地之中。故曰合。交者。四時皆協其候。會者。風雨以序而至。和者。陰陽調而不乖。百物阜安。有生者遂。有形者育也。

凡建邦國。諸公五百里。其食者半。侯四百里。伯三百里。其食者參之一。子二百里。男百里。其食者四之一。

參。三同。○食。謂其國稅。天子所食也。卽太宰九貢。

凡造都鄙。制其地域而封溝之。以其室數制之。不易之地。家百畝。一易之地。家二百畝。再易之地。家

三百畝

晦。畝同。○室猶家也。不易。上田歲可種。一易。中田休一歲可種。再易。下田休二歲乃種。蓋休不種之地。以秋官雉氏之法。化之。其地之薄者。亦美而可種也。

以荒政十有二。聚萬民。散利。薄征。緩刑。弛力。舍禁。去幾。省禮。殺哀。蕃樂。多昏。索鬼神。除盜賊。

舍。古釋字。幾譏同。箐。音省。殺。去聲。蕃。作藩。索。音色。○散利。給種食。薄征。減租稅。弛力。息徭役。舍禁。釋山澤之禁。去幾。去門闕之譏。省禮。省吉禮。殺哀。殺凶禮也。蕃樂。藏樂不作。多昏。不備禮嫁娶。索祭鬼神。以祈民麻。除去盜賊。以遏民害。

以保息。六。養萬民。慈幼。養老。振窮。恤貧。寬疾。安富。

保息保安而使蕃息慈幼。如產子三人與之母。二人與之。餼是也。養老如賜肉賜帛振救也。恤貧助以財。寬疾不以力役相加。安富不以暴政相攘。

以本俗六。安萬民。媾宮室。族墳墓。聯兄弟。聯師儒。聯朋友。同衣服。

媾。笑同。○本俗者。民俗不離其本也。媾。謂約。椽攻堅也。族墳墓。聚族而葬也。聯兄弟。謂以燕以食。有以同其恩也。聯師儒。而其宗其道。聯朋友。而道德相成。同衣服。富民不得獨異也。

乃施教。灋於邦國都鄙。使之各以教其所治民。令

五家爲比。使之相保。五比爲閭。使之相受。四閭爲族。使之相葬。五族爲黨。使之相救。五黨爲州。使之

相賙五州爲鄉使之相賓

令平聲。比音避。賙音周。○此言其近密而不可閒保。猶任也。居相近則易相督察也。受容也。居同門閭則可相容納也。相葬謂賙助財物。救救急難。賙賙厄窮相賓。謂於與賢之日修賓主之文也。

頒職事十有二於邦國都鄙使以登萬民稼穡樹藝作材阜蕃飭材通財化材斂材生材學藝世事服事

登成也。九以上與太宰九職相表裏。學藝謂講習道藝。如禮樂射御書數之類。世事謂世守術業。如農圃醫卜之類。服事謂服勤公事。如府史胥徒之類。

以鄉三物教萬民而賓興之六德知仁聖義忠和
六行孝友睦婣任恤六藝禮樂射御書數

知行並去聲。婣音因。○物猶事也。興起也。教既成。鄉大夫以賓禮與舉之而統之則司徒也。蘊於心曰德。知以明之仁以體之聖以通之義以宜之忠以盡之和以平之是也。體於身曰行。孝於父母友於兄弟睦於宗族婣於姻黨任於朋友恤於貧窮是也。見於事曰藝。五禮六樂五射五御六書九數是也。詳見保氏。

以鄉八刑糾萬民不孝不睦不婣不弟不任不恤

造言亂民之刑

造言邪說惑眾。亂民植黨行私。

以五禮防萬民之僞而教之中以六樂防萬民之情而教之和

五禮。吉。凶。軍。賓。嘉也。六樂。雲門。咸池。大韶。大夏。大濩。大武也。大禮與大地同節。故以飭其詐僞。使行得其中。大樂與天地同和。故以消其情欲。使心一於和。

大軍旅。大田役。以旗致萬民。大荒。大札。則令邦國

移民通財。

帛畫熊虎曰旗。致。猶司馬致民之致。致之旗下。而後致於司馬。若司空也。移民。移不足者。就有餘。通財。通有餘。以助不足。

小司徒之職。乃會萬民之卒伍而用之。五人爲伍。

五伍爲兩、四兩爲卒、五卒爲旅、五旅爲師、五師爲軍。

會如字。○居則爲比閭族黨州鄉。出則爲伍兩卒旅師軍。稱卒伍者。約詞也。

乃均土地。以稽其人民。而周知其數。上地家七人。可任也者。家三人。中地家六人。可任也者。二家五人。下地家五人。可任也者。家二人。凡起徒役。毋過家一人。以其餘爲羨。惟田與追胥。竭作。

任用也。凡一家授田百畝。七口以上。授以上地。六口。授以中地。五口以下。授以下地。二家五人。謂二家共五人也。羨。餘也。竭作。盡行也。凡起百作。每家唯用一人爲正卒。餘皆羨卒不用。用。謂

田獵追胥
謂捕寇

乃經土地而井牧其田野九夫爲井四井爲邑四
邑爲丘四丘爲甸四甸爲縣四縣爲都以任地事
而令貢賦

甸音賸。○井牧卽左氏井沃衍牧隰皋之井牧也。九夫爲井舉一井九區形制而言。凡賦稅以軍賦爲重四邱所出適符乘馬之數。其十二牛之數亦三其四。而一邱所出之一馬三牛其數亦四。故因以起數也。地事謂九職農圃山澤之屬貢賦謂八貢九賦之屬。

鄉師之職凡四時之田出田灋於州里及期以司徒之大旗致眾庶而陳之以歲時巡國及野而調

萬民之艱阨。以王命施惠。

艱。古艱字。四時之田。謂春蒐。夏苗。秋獮。冬狩也。出。出示也。艱阨。如水。火。盜賊。死喪之屬。

鄉大夫之職。正月之吉。受教灋於司徒。退而頒之於其鄉吏。以歲時登其夫家之眾寡。辨其可任者。國中自七尺。以及六十。野自六尺。以及六十有五。皆征之。其舍者。國中貴者。賢者。能者。服公事者。老者。疾者。皆舍。以歲時入其書。三年則大比。考其德行道藝。而興賢者。能者。鄉老及鄉大夫帥其吏。與其眾寡。以禮禮賓之。厥明。鄉老及鄉大夫羣吏獻

賢能之書於王。王再拜受之。登於天府。內史貳之。退而以鄉射之禮。五物詢眾庶。一曰和。二曰容。三曰主皮。四曰和容。五曰興舞。此謂使民興賢。出使長之。使民興能。入使治之。

長。上聲。○教法。謂十二教以下之法。鄉吏。謂其屬州長以下。七尺。已成丁者。六尺。未成丁者。國中地近役多。故晚征而早舍。野外地遠役少。故早征而晚舍。舍。免役也。眾寡。謂來觀禮者。禮賓之者。以鄉飲之禮。寵爲賓也。天府。受寶藏之府。內史。掌策命之官。書其貳者。將以詔王爵祿也。物猶事也。既獻於王。卽合民於鄉射。詢以五事。而儲材以待舉也。和者。內志正。容者。外體直。主皮者。不失正德。和容者。進退閒雅。興舞者。節奏比樂。此謂總承上文。德足長民。使升爲朝官才。

比。校也。德行先以敬敏者。敬則不懈。敏則有功也。田里相助為任。鄉黨相濟為恤。

比長各掌其比之治

比。去

聲。

封人掌設王之社壇。為畿封而樹之。凡封國設其社稷之壇。封其四疆。造都邑之封域者。亦如之。

聚土曰封。壇。壇也。樹。謂樹所宜木。如松柏栗之類。四疆。謂國四面之封疆。封域。謂大都小都家

邑之封域。

鼓人掌教六鼓四金之音聲。以雷鼓鼓神祀。以靈鼓鼓社祭。以路鼓鼓鬼享。以鼗鼓鼓軍事。以鼙鼓

鼓役事以晉鼓。鼓金奏以金錞。和鼓以金鐃。節鼓以金鐃。止鼓以金鐃。通鼓凡軍旅。夜鼓鼙。軍動則鼓其眾。

鼗音焚。鼗音高。鐃音消。鐃音濁。鐃音撓。鼙音戚。○鼓人司鼓而兼掌四金者。鼓之有金猶律之有呂。相爲用也。雷鼓八面。靈鼓六面。路鼓四面。鼗鼓長八尺。鼗鼓長丈二尺。晉鼓長六尺六寸。金奏謂考鐘奏樂以娛賓者。鐃于也。圓如椎頭。鐃鉦也。形如小鐘。鐃小鉦如鈴無舌。鐃大鈴也。鼙夜戒守鼓也。

舞師掌教兵舞。帥而舞山川之祭祀。教帔舞。帥而舞社稷之祭祀。教羽舞。帥而舞四方之祭祀。教皇

舞帥而舞旱暵之事

帔音拂。暵音漢。○兵舞干戚武舞也。帔舞列五采繪爲之羽舞。析白羽爲之皇舞。析五采羽爲之三者皆文舞也。旱暵謂雩也。

牧人凡陽祀用騂牲陰祀用黝牲望祀各以其方之色牲

陽祀郊廟陰祀土社望祀岳瀆盛赤曰騂微黑曰黝

牛人掌養國之公牛凡祭祀其其享牛求牛

公猶官也。享獻也。謂方祭而享也。求索也。謂既祭而繹也。

充人掌繫祭祀之牲牲祀五帝則繫於牢芻之三

月享先王亦如之

牲音全。牲體之全也。宰猶閑也。芻亦養也。繫於閑中而養之則牲博碩肥臑矣。記云在滌三月是也。

載師掌任土之灋以廩里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任疆地凡任地國宅無征園廩二十而一近郊十一遠郊二十而三甸稍縣都皆無過十二唯其漆

林之征二十而五。凡宅不毛者，有里布。田不耕者，出屋粟。民無職事者，出夫家之征。

賈音古。稍去聲。下同。疆疆同。○任土者，任之使無曠土也。國中之地，任廛里。以居氓庶也。園地任場圃。以登禾稼。植果蔬也。去國五十里爲近郊。任宅田。以居農。任士田。以祿士。任賈田。以食在官之賈也。去國百里爲遠郊。任官田。以食在官之府史胥徒。任牛田。以給牛人之牧。任賞田。以頒賞地。任牧田。以給牧人之牧也。去國二百里爲甸地。任公邑之田。爲公家之邑。去國三百里爲稍地。任家邑之田。爲大夫之邑。去國四百里爲縣地。任小都之田。爲卿之邑。去國五百里爲疆地。任大都之田。爲公之邑。征稅也。國宅謂官吏所居室也。園。卽園圃。廛。卽廛里。以非田賦比。故止二十分而取一。近郊多役。故十分取一。遠郊少役。故二十分而取三。甸稍縣都。謂其閒。

之公邑也。地益遠。故十分取二。至漆林利厚。故二十分取五。以抑末也。宅不毛。宅旁不種桑麻也。夫三爲屋。罰之使出一里。二十五家之布。以勸織。使出一屋。三家之粟。以勸耕也。職事。卽九職之事。夫征。謂一夫之田稅。家征。謂一家之力役。罰之皆以勸職也。

閭師。凡庶民不畜者。祭無牲。不耕者。祭無盛。不樹者。無椁。不蠶者。不帛。不績者。不衰。

畜。休。去聲。盛。音成。衰。音崔。○此蓋以恥而勵之也。

縣師。若將有軍旅。會同田役之戒。則受灋於司馬。以作其眾庶。及馬牛車輦。以歲時徵野之賦貢。

縣師。掌天下之兵賦。不屬之司馬而屬之司徒者。古者寓兵於農。無事則屬之司徒。此經制也。

有事而後屬之司馬。此權制也。是故司馬調兵。必檄司徒之屬也。野之賦貢。田賦也。

遺人掌邦之委積。以待施惠。鄉里之委積。恤糶。阨門。關養老孤。郊里待賓客。野鄙待羈旅。縣都待凶荒。凡國野之道。十里有廬。廬有飲食。三十里有宿。宿有路室。路室有委。五十里有市。市有候館。候館有積。

遺。唯季反。○少曰委。多曰積。國野自國中達野外也。廬。謂廬舍。宿。可投宿處。路室在路旁。候館。候賓之館也。

均人。凡均力政。以歲上下。豐年則公旬用三日焉。

中年則公旬用二日焉。無年則公旬用一日焉。凶
札則無力政。

政同征。○公旬猶言公期。

師氏掌以媿詔王以三德教國子。至德以爲道本。
敏德以爲行本。孝德以知逆惡。教三行。孝行以親
父母。友行以尊賢良。順行以事師長。居虎門之左。
司王朝。凡國之貴遊子弟學焉。王舉則從。

行去聲。長上聲。朝音潮。○國子謂王太子以下。至元士之適子也。孝則犯上作亂者鮮。故能真知彼之逆惡而不忍爲也。虎門王之路寢門。畫虎以明勇也。居其左謂立學於門左。司猶察也。

不敢斥言察王。故稱王朝也。貴謂已仕者。遊謂未仕者。言公卿大夫士之適子。與其升俊之眾子。皆學於此也。舉行也。隨其所在。欲以善道諭王也。

保氏掌諫王惡。而養國子以道。乃教之六藝。五禮。六樂。五射。五馭。六書。九數。乃教之六儀。祭祀。賓客。朝廷。喪紀。軍旅。車馬之容。

五禮。六樂。見上。五射。白矢。參連。刻注。襄尺。并儀也。五馭。鳴和鸞。逐水曲。過君表。舞交衢。逐禽左也。六書。象形。會意。轉注。指事。假借。諧聲也。九數。方田。粟米。差分。少廣。商功。均輸。方程。贏不足。旁要也。容。卽儀也。

司諫。掌糾萬民之德。而勸之朋友。正其行。而強之。

道藝

行。去聲。強。上聲。○糾。正也。強。勉也。德成於朋友。故糾而勸之。使取友以輔仁。行成於道藝。故正而強之。使自強而不息。

司救掌萬民之表惡。過失而誅讓之。以禮防禁而救之。歲時有天患民病。則以節巡國中及郊野。而以王命施惠。

邪惡在心。過失在事。誅讓皆責也。禮以防民之僞。故以是防禁而救之。節。旌節也。

調人掌司萬民之難。而諧和之。

難。去聲。○難。謂相爲仇讎也。

地官司徒

司書二

十

媒氏掌萬民之判。中春之月，令會男女。於是時也，奔者不禁，若無故而不用令者，罰之。凡嫁子娶妻，入幣純帛，無過五兩。

中。仲同。令。平聲。用令之令。去聲。純。作緇。兩。去聲。判。半也。謂合其半以成夫婦也。仲春。陰陽交會。令順時以禮合也。奔者。禮不備而婚不禁。謂重天時。權許之也。兩。匹也。用帛四丈。左右卷為兩端。如相匹然。而因五兩為一束也。

司市。凡市入則胥執鞭度守門。市之羣吏。平肆展成。奠賈。上旌於思次。以令市。市師涖焉。胥師賈師涖於介次。凡治市。亡者使有利者使阜。害者使亡。

靡者使微國凶荒札喪則市無征而作布凡偽飾之禁在民十有二在商十有二在賈十有二在工十有二國君過市則刑人赦夫人過市罰一幕世子過市罰一帑命夫過市罰一蓋命婦過市罰一帷。

奠。讀作定。奠賈之賈。價同。餘並音古。亡無通。帑音亦。○鞭度。狀如笏。上繫鞞。爲鞭中刻尺寸爲度。爭往夾者。飭以鞭。爭長短者。齊以度。羣吏謂胥師以下平肆者。均肆之廣狹。展成者。省貨之良楮。奠賈者。定價之高下。思次。市中候樓介次。市亭之屬。揭旌於次。使人知三市之時。而市師胥師。賈師。乃各涖而治之也。無征作布。謂蠲征鑄錢。以蘇民困也。國君諸侯也。赦刑人者。謂自

不嚮義。無暇責人也。罰幕帟蓋帷者。責其無以自蔽。而視聽惑也。

質人。凡賣債者質劑焉。大市以質。小市以劑。掌稽市之書契。同其度量。壹其淳制。

債。鬻同劑。音茲。淳。當作準。音文。通也。○質人。主平物價。凡賣債者。爲之立券書。長曰質。短曰劑。大市。人民牛馬之屬。小市。兵器珍異之屬。書契。交易之契也。淳。卽衡也。所以權輕重。制通上三者而

言。廛人。掌斂紵布。總布。質布。罰布。廛布。而入於泉府。

紵。音次。○布。卽錢也。紵布。胥師罰在次。詐僞者之布。總布。謂肆長總斂在肆諸物之布。質布。質人罰度量犯禁者之布。罰布。胥師罰有罪者之布。廛布。謂稅廛中諸物邸舍之布也。

司璽掌憲市之禁令禁其鬪鬪者與其亂亂者
司稽掌巡市而察其犯禁者與其不物者

不物謂操奇技淫巧及
濫惡之物誑人求售也

泉府掌以市之征布斂市之不售貨之滯於民用
者以其賈買之物楬而書之以待不時而買者凡
賒者祭祀無過旬日喪紀無過三月貸者以國服
爲之息凡國之財用取具焉歲終則會其出入而納

楬音竭。○征布謂塵人所斂之五布不時謂急
買者以其本價買而收之使民不至喪價又逐
物表楬而書其本價以待之使官更不至多價
也服如載師服事之服謂以服事於國之稅爲

息也。

司關司貨賄之出入者。凡貨不出於關者，舉其貨罰其人。國凶札，則無門關之征，猶幾。

貨不出關，非避地稅，必物犯禁也。舉者，沒其貨。罰者，責其人。猶譏，不令好人出入也。

掌節，掌守邦節，而辨其用，以輔王命。守邦國者，用玉節。守都鄙者，用角節。凡邦國之使節，山國用虎節，土國用人節，澤國用龍節，皆金也。以英簋輔之。門關用符節，貨賄用璽節，道路用旌節。

使，去聲。簋，音蕩。○節，謂凡守土使命之臣及行旅往來之所執者。王命憑節以信，故曰輔守節。

專於其地。使節達於四方。上國平地也。山多虎澤多龍。平地多人。以國所多者相別爲信也。金以金鑄象。英文采貌。籜大竹。以竹爲函。加以畫飾。而盛其節也。剖竹爲符。曰符節。加璽於符。曰璽節。析羽其上。曰旌節。

遂人掌邦之野。五家爲鄰。五鄰爲里。四里爲鄩。五鄩爲鄙。五鄙爲縣。五縣爲遂。以下劑致眡。以田里安眡。以樂昏擾眡。以興勑利眡。以時器勸眡。以疆予任眡。辨其野之土。以頒田里。上地。夫一廛。田百晦。萊五十晦。中地。夫一廛。田百晦。萊百晦。下地。夫一廛。田百晦。萊二百晦。凡治野。夫閒有遂。遂上有

徑十夫有溝。溝上有畛。百夫有洫。洫上有塗。千夫有澮。澮上有道。萬夫有川。川上有路。以達於畿。

鄼音纂。毗。氓同。樂音洛。勸音助。○劑等也。致。致役也。下地可任者。家二人。下劑。致民。謂皆以下地為率。寬其力也。出耕同田。人居同里。奠其業也。樂昏謂樂以昏姻。擾順也。謂順其欲也。興。勸使民羣起。借作導其利也。耒耜之器。以時修之。勸其事也。疆者。餘夫有力之稱。子謂子以田。此盡其用也。夫一屋。人各受二畝半。以為宅也。萊謂田休不種者。即司徒制都鄙。所謂易也。中地田萊共二百畝。即一易之地。家二百畝。下地田萊共三百畝。即再易之地。家三百畝。惟上地田萊共百五十畝。與不易之地。家百畝。文有衍縮耳。義則一也。遂溝洫澮川。以備旱潦也。徑。畛。塗。道路以通往來也。以達於畿者。言鄉遂及都鄙之屬。井田之制皆同。無內外之異也。

遂師巡其稼穡而移用其民以救其時事。

移救之者謂旱潦隄防非一方得辦也。

遂大夫正歲簡稼器修稼政三歲大比則帥其吏

而興眊。

稼器耒耜錢鏹之屬稼政疆畝溝洫之屬。興眊謂舉民賢者能者如六卿之為也。

鄮長各掌其鄮之政令以時校登其夫家趨其耕耨稽其功

里宰以歲時合耦於耒以治稼穡趨其耕耨行其

秩敘。

耦並耕也耒助也合耦以相佐助欲民借作而勸於耕秩敘謂耦之次第。

地官司徒

周禮二

七

旅師掌聚野之耒粟、屋粟、閒粟而用之，以質劑致民，平頒其興積，施其惠，散其利，春頒而秋斂之。

耒粟謂里宰合耦於耒而不趨令者，則罰以粟也。屋粟謂有田不耕，所罰一屋三夫之粟。閒粟謂民無職事，所罰一夫百畝之粟。質劑致民，令民以券書貸粟也。興積，所興發之積。春頒興作時，因其不足而頒之。秋斂收成時，因其有餘而斂之也。

草人掌土化之灋：凡糞種，駢剛用牛，赤緹用羊，墳壤用麋，渴澤用鹿，鹹瀉用貍，勃壤用狐，埴壚用豕，疆藥用蕢，輕輿用犬。

緹音代，渴音昔，貍音萱，埴音職，壚音盧，疆上聲，藥音檻，輿音剽。○土化，使惡土化為肥美也。駢

剛土色。駢赤而性剛者牛。牛骨也。或謂煮取其汁以漬種。或謂焚骨爲灰以和上。未知孰是。餘倣此。赤緹。緇色。墳壤。土脈墳起而和柔者。渴澤。舊爲澤而今渴者。瀉。鹵地。貉。貉類。勃。解散貌。埴。墟。謂黏而疏者。疆。隳。謂堅強而不和柔者。蕒。麻也。與。奕。薄也。

稻人掌稼下地。以瀦畜水。以防水。以溝瀆水。以遂均水。以澆澆水。

謂種稻之下地

土訓掌道地圖。道地隱。王巡守則夾王車。

道說也。地圖山川原隰之圖。地隱。如瘴蠱之屬。夾王車。備顧問之意也。

誦訓掌道方志。道方隱。王巡守則夾王車。

方志所記形勝事實之蹟。道之使鑿而省之也。方隱。謂所傳禮俗惡畏之事。道之使飭而避之也。

也。

山虞掌山林之政令、物爲之厲、而爲之守禁、仲冬

斬陽木、仲夏斬陰木、令萬民時、斬林有期日、

厲。遮列也。謂每物有藩界也。別其地以限之。然後命其人以守之。設其法以禁之也。陽木生山南。陰木生山北。冬。斬陽。夏。斬陰。則堅濡調矣。斬木以時。必限以日數。恐過取而童其山也。

林衡若斬木材、則受法於山虞。

法。卽山虞斬材以時之類。

川衡祭祀賓客、其川奠。

川奠。川物可爲奠獻。若魚鱸蜃蛤之屬。

澤虞其澤物之奠。

澤奠若芹苳

蒨芡之屬

迹人掌邦田之地政。禁麇卵者。

麇音迷。卵。鸞上聲。○迹。謂以蹤跡知禽獸處。邦田之地。謂邦內可田之地。禁麇卵者。所謂獸長麇麋。鳥翼。鷩卵也。先王之仁心也。

井人掌金玉錫石之地。

井。古礦字。○金玉函於石。謂之礦石。謂次玉者。

羽人掌徵羽翮於山澤之農。以當邦賦之政令。凡受羽十羽爲審。百羽爲搏。十搏爲縛。

搏徒端反。縛除轉反。○翻羽
本也。審搏縛皆羽數束名。

掌葛、掌徵、絺、綌之材於山農。

絺綌之材。
謂葛也。

廩人掌九穀之數。以歲之上下數邦用。以知足否。
以詔穀用。以治年之凶豐。凡萬民之食。食者人四
鬴。上也。人三鬴中也。人二鬴下也。若食不能人二
鬴。則令邦移民就穀。詔王殺邦用。

數邦用之數。上聲。殺去聲。○數謂計其出入也。
鬴六斗四升。四鬴三鬴。二鬴謂一月所食也。食
四鬴爲年之上。三鬴爲中。二鬴
爲下。又不足則爲凶年殺減也。

倉人掌粟入之藏

司祿

掌班祿者今闕

司稼巡野觀稼以年之上下出斂法

出者以斂法出示於民也豐年以正斂之歉則減凶則止

春人掌其米物祭祀其其齎盛之米

齎。黍同。盛。音成。

饌人凡祭祀其盛

饌。古饌字。炊米爲饌。

周禮節訓卷二